

天西曰金肅南曰定海俱有兵馬司廳城外
浚壕一千五十一丈尚淺成化元年八月爲
賊所陷二年知府林錦都指揮徐寧復浚外
壕七百九十五丈視前加深林錦尋陞兵備
海北又以舊城狹隘不可以險乃謀知府邢
正會請撫按得帑金因命指揮張福督修增
拓東南北三面城並增敵樓串樓南北樓及
譙樓惟西門外有月城以外河通海恐寇患
正德間府衛分修嘉靖二年知府韓鸞復請

撫按自西由南而東屬衛自東由北而西屬
府永爲定制十五年霖雨傾圮知府張岳築
十八年被颶風壞串樓知府陳健修同知謝金記
二十一年知府詹文光去串樓改爲陽城三
十四年知府何御重修又於東南二門增設
月城制與西門同崇禎八年圮於水修治報
竣九年復圮於颶俱知府鄭抱素捐俸修
順治十八年西門城大樓知府孫昌齋修復
康熙四年東門城大樓總兵張偉修復 六

年霖雨崩塌知府徐化民修 十年六月十
九日颶風倒壞西門月城及西面垛牆共十
餘丈知府徐化民倡捐督率合浦縣知縣游
名柱刻期修竣十一年本府復捐修府後城
樓七月告竣攷舊制城垣周圍八百零二丈
高三丈二尺厚一丈五尺外濠一道長一千
零五十一丈濶二丈五尺深六七尺不等門
樓四座東西南月城小樓三座串樓二十四
間窩舖六十三間塾臺四間府後樓一間

整一百個筆架梁一千六百六十九個今北
門久閉自順治年間一切樓舖頽圯甚多遞
年修復城樓四座角樓四座月樓三座敵樓
一十二座串樓一十六間窩舖二十四間望
整三十二個梁口全復俱知府徐化民倡捐
率合浦縣知縣游名柱修葺 康熙二十二
年知府佟國勦率知縣楊昶修西城門較前
高三尺併城樓窩舖一新之

欽州城舊在靈山思林都今舊州墟其故址

也地卑氣鬱人多瘴癘宋天聖元年推官徐
的始建議遷近海白沙之東安遠縣明洪武
四年立守禦二百戶所二十八年改千戶所
增築周城五百九十四丈五尺高二丈四尺
厚二丈五尺門三東曰朝陽南曰觀海西曰
鎮遠城外浚濠周七百八十一丈五尺濶二
十七丈景泰七年守備都指揮尹通議復增
城高三尺成化六年分巡海北道林錦知州
傅鑑增築一帶周城串樓門樓敵樓及兵馬

司廳城外遍植刺木更新東門城樓弘治四年塞西門正德十四年知州李純浚濠築堤瀦水東堤百餘丈南堤三十餘丈嘉靖四年知州藍渠改建串樓十三年知州杜傑建窩舖二十八間先是橋壞西門路塞十七年知州林希元開復西門建橋設墟併東門各蓋兵馬房六間十字街設鐘鼓樓三十三年知州鄧以和塞西門萬厯二十二年知州董廷欵大治垣樓之崩圯者東門一樓遂爲偉觀

三十三年所吏目尚文端修築城內外官街
四十年知州阮以臨拆毀東門子城以建南
門子城四十二年署州事通判李秀時建復
東門子城門開東向正對水沙直冲城內日
見蕭索四十四年知州馬中超申請重修子
城門天啟七年知州李五美修城濬池建復
坊表重修欽志又改復東月城舊門東北向
築鴻飛洲壩基取水廻繞州城康熙二十三
年颶風西北城崩二十五年知州馬世祿修

復二十九年東門子城及正東城垣久雨崩
塌三十年知州汪源澤修三十五年東門子
城復崩三十六年知州程鼎修三十七年東
門子城及東北角城墻并西北西南東南四
面城垣俱崩三十八年知州喬光先修復四
十六年正東城垣及馬路裂開南門子城西
北二面女墻風雨倒塌東南濠渠湮塞四十
七年知州李淑沆修濬五十年東南二面城
垣及正西西北東北三處城垣皆崩東南城

裂濠渠又湮五十一年知州金章修復開濬
防城在欽州城西南二百里明萬曆三十四
年海北道伍袁萃建周圍三百餘丈門二東
近江南近水營

國朝康熙十一年肇高雷廉道叅議傅應舉總
兵祖澤清知府徐化民知州董爾性遊擊李
陞高捐修

靈山縣舊無城郭明正統五年兵備副使甘
澤始議築城調南海衛後千戶所官軍防守

城廣六百四十丈高一丈八尺窩舖二十座
門四東曰朝陽西曰鎮遠南曰鎮南北曰拱
北天順三年八月夜爲賊所陷成化間守備
都指揮徐寧歐磐始開濠塹二道各濶一丈
九尺周圍五百一十四丈八年僉事林錦增
蓋門樓四座敵樓一十八座串樓三百五十
間又以城制狹小乃增拓東南城垣四百五
十丈開東西二門串樓二百五十五間敵樓
二十四間

知府饒
素鑑記

弘治十八年僉事鄧槩正